

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0065684 25

Zenica, 14.09.2026. godine

OPŠTINSKI SUD U ZENICI

Sudija za prethodno saslušanje

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

B. A., osuđivan više puta,

Što je:

Dana 11.03.2025. godine, oko 17,30 sati, u Z., na adresi ..., nasiljem prema B.R. sa još jednom NN osobom, ugrozio građanski mir istog, na način da su se B.A. i NN osoba vozilom marke ... dovezli pred kuću B.R., da bi potom B. A. pozvao R. da izađe vani i kada je R. izašao B. A. mu se obratio riječima: „Ko je razbio E. mehaničaru stakla na garaži“, objašnjavajući kako je saznao da je R. pričao da je ta stakla razbio njegov sin, pa kada mu je R. rekao da ne zna o čemu priča i da on to nije rekao, B. A. ga je uhvatio rukama za dijelove njegove odjeće, a potom ga prebacio preko prednje haube vozila ... koje je bilo parkirano u neposrednoj blizini, nakon čega je R. pao na beton, nakon čega mu je B. A. zadao više udaraca nogama po tijelu, da bi tada iz vozila ... izašla NN osoba koja je u ruci držala drvenu palicu, da bi potom B.A. i NN osoba zatim nastavili zadavati udarce nogama i palicom B. R. po tijelu, uslijed čega je R. zadobio lake tjelesne povrede u vidu nagnječenja lica u predjelu gornje vilice i parcijalnog otkinuća krunice prvog zuba sa lijeve strane, iako su bili svjesni da na navedeni način nasiljem prema R. ugrožavaju njegov građanski mir, te da mu mogu nanijeti lake tjelesne povrede, a što su i htjeli,

dakle, vršenjem nasilja, izazivanjem tuče, naročito drskim i bezobzirnim ponašanjem prema drugom ugrozili građanski mir,

čime bi počinili krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH u vezi sa članom 31. KZ F BiH